

JON ZIGANDA ETA JON ESTONDO -FELIX UGARTE ESPELEOLOGIA ELKARTEKO KIDEAK

“Kirola eta zientzia nahasten dira espeleologian: kobatan ibiltzeaz gain fotografia, topografia eta abar ikasten da”

■ Espeleologia hobbie-a da bi lagunentzat, eta beren kasa edo proiektu jakinen baten aitzakian ibiltzen dira: Arditurriko minatako plano topografikoak ateratzen, adibidez.


■ Irunen biltzen dira orain Felix Ugarte taldekoak, baina, Hernanin lokala badaukate eta irailtik aurrera martxan jartzea nahi dute Estondo eta Zigandak.

■ Espeleologia egiteko interesa izan ezkerro lasai jo Felix Ugarte elkartera edo Hernaniko bi kideengana. Telefonoa 943 63 81 76 (Ostegunetan 20:00-22:00).

ESPELEOLOGIA afizio edo hobbie-tzat daukate Estondo eta Zigandak, baina, beren denbora libreko ordu asko pasatzen dute horretan, Kronikari esandakoaren arabera. Felix Ugarte espeleologia taldeko kideak dira biak eta gaur egun Irunen biltzen badira ere, Hernanin lokala lortu berria dute eta bilerak Hernanin ere egingo dituzte, irailtik aurrera. Felix Ugarte taldean hamabost bat lagun dabilta, tartean bi hernaniarrak, eta aldi berean Euskal Espeleologo Elkargoan sartua dago taldea, Euskal Herriko beste 20ren bat talderekin batean.

Proiektu jakinetan

Espeleologia afizio garestia da bi lagunek esandakoaren arabera. Materiala erosi eta gastuei aurre egiteko proiektu konkretuetan lan egiten du Felix Ugarte taldeak, eta horregatik ematen dizkieten diru laguntzetatik bizi da taldea. Gaur egun esaterako, Irun eta Oiartzun aldean Arditurriko meategietan dabilta katalogatzen, hau da mapa topografikoak egin, argazkiak atera, non dagoen koordenadak jarri eta abar egiten. Horrez gain, Aralarko sima batean (Goitik beherako koba) bilatutako ura zein iturritara ateratzen den ikusteko kolorazio bat egin behar dute. Kolorazioa egiteko kobara sartu eta kolorante moduko bat botatzen diote urari. Inguruko iturrietan kolorante hori nabaritu du-



Jon Ziganda eta Jon Estondo eguzkiaren argitan. Kobatako iluntasuna asko gustatzen zaie.

en zerbait jartzen dute eta horrela zein iturritara atera den jakin dezakete.

Etxolaberriko meategietan

Felix Ugarte taldea Hernanin ere badabil proiektu batean. Etxolaberriko meategietan txu-

kuntze lanak egiten ari dira Eusko Jaurlaritzaren eta Udalen antolatutako Auzolantegietan. Lehen proiektua berek aurkeztu zioten Udalari eta plano topografiko batzuk ere eginak badituzte. Bi espeleologoek hitzetan “leku zoragarria da Etxo-

laberrikoa eta oso hernaniar gutxi ezagutzen dute. Proiektu honekin jendeak ezagutzeko bidea jarri nahi dugu”. Auzolantegiak bi txandatan egingo dituzte. Lehenengo txanda bukatu da eta bigarrena datorren astean hasiko da.

588 metro behera

Kobazulotan izan duten esperientziarik zirrargarrienagatik galdetuta, Aralarren 580 metro zuloan behera jaitsi zirenekoa dute gogoan. Euskal Herrian inor jaitsi den beherena. Zigandak 21 ordu egin omen ditu handik atera gabe hondoa ezin jota eta Estondok 44 ordu ere bai. Zirrargarriena horrelako koba berrietan sartzea omen da, inoiz inor ibili ez dela jakinda eta han zer egongo den ikustea. Lur azpian paisaia izugarri ederrak bilatu litezkeela diote, edo auskalo zer animalien hezur batzuk edo xomorro arraroren bat. Horrelako kobak bilatzeko mendia arakatzeko ere aritzen dira, Aralarren adibidez, eta bilatzean koba txikia bada topografiatu egingo dute eta haundia bada arakatzeko hasi.

Arian ikasi

Espeleologia gustatu eta arian arian ikasia dute Estondo eta Zigandak kobatan nola ibili. Beharrezkoak omen dira 2 buzo berezi (bata hotzaren kontrakoa eta bestea arrastada eta lokatzerakoa), sokak jeisteko arnesak, blokeadoreak, kaskoa, eta linterna, argiztapen karbonikoa duena. Sokak eta gainerrakoa taldean erosten dituzte denek batera erabiltzeko.

Inor interesaturik balego, irailtik aurrera kursiloren bat antolatu eta lokal berriari “martxa” pixka bat eman nahi diote bi hernaniarrek eta jendeari laguntzeko prest daude. □

AMEGAR
Etxe tresnak
Altzariak
Elektrogailuak
TB- Bideoak-
HI-FI-Opariak
Sukalde altzariak
Tel.: 943 55 11 25
Faxa: 943 55 16 30

AMAIA
ARRANTZALDE
ITSASBIDE
FRESKO ETA
IZOZTUAK
Kardaberaz 34
Tel.: 943 55 07 52
943 55 22 11
20120 Hernani

DISKOFESTA
ASTIGARRAGAKO
UDALA

G A U R
ASTIGARRAGAN
DISKO FESTA
Joseina Etxeberriarekin
J.Barandiaran plazan
22:30etan
Santio jai zoriontsuak
opa dizkizuegu!
Etorri festara eta ondo pasa.
Astigarragako
Udala

DISKOFESTA
ASTIGARRAGAKO
UDALA

ERREMONTA - BURUZ BURUKO TXAPELKETA GALARRETAN



Juan Antonio Erzilla 'Erremonte 2000'ko burua eta Odon Elorza Casino Kursaleko Marketing zuzendaria akordioa sinatu aurretik, atzo, Casino Kursalean. Erdian Xabi Franchez prentsa arduraduna.

Casino Kursalek patrozinatuko du datozen bost urteetan buruz buruko txapelketa

Atzo sinatu zuten akordioa Galarretak eta Casino Kursalek Donostian Txapelketa lehenago ere Casinoak patrozinatu izan zuen urte askotan.

CASINO Kursalek patrozinatuko du erremonteko buruz buruko txapelketa datozen bost urteetan. Akordioa Galarreta eta Casino Kursalean artean sinatu zuten, atzo, Casino Kursalean. Buruz buruko txapelketa orain dela 18 urte hasi zen, eta hain justu Casinoa izan zen patrozinatzailea hasierako urte haietan. Geroago ere Casinoak urteetan patrozinatu du txapelketa baina, azken urteetan Bingo Londres izan da txapelketari izena eman diona.

Arduradunak gustora

Juan Antonio Erzilla eta Odon Elorzak sinatu zuten akordioa

eta biak hala biak oso gustora azaldu ziren ekitaldiaren ondoren. Odon Elorza Casino Kursaleko Marketing zuzendaria esan zuen oso gustora zuela berriz txapelketa patrozi-

Casino Kursal
Txapelketa abuztuaren
2tik irailaren 6ra
jokatuko da

natzearekin, eta Casinoak apustu bat egin nahi izan duela Gipuzkoaren alde, Galarretaren alde, espektakuloaren alde. Elorzak esan zuen baita ere, espero duela patrozinioa urte

askotarako izatea, eta erremontea iristea lehen zena izatera.

Juan Antonio Erzilla ere oso gustora azaldu zen akordioarekin. Erzillak gogoratu zuen, Casinoko Pepe Odriozola izan zela 18 urte aurrerago buruz buruko txapelketa egitea proposatu zuena eta hari eskerak iritsi dela buruz burukoa, erremonteko espektakulorik haundiena izatera.

Buruz buruko txapelketa

Casino Kursal txapelketa abuztuaren 2tik irailaren 6ra jokatuko da. Datorren astean jakingo da zein jokalarik hartuko duten parte. □

Fernando Ros 'Naparra'ri omenaldia egingo zaio igandean Abarzuzan

Plaka bat jarriko diote baita ere, bere omenez Karmelo Labakako plazan dagoen monolitoan 1986an hil zen Ros eta ordu ezkeror urtero egin zaio omenaldia.

FERNANDO Ros *Naparra* 1986ko uztailaren 28an hil zen Hernanin, trenbideko tentsio altuko kable batek harrapatuta. Ros protestan ari zen, errefuxiatuak estraditatzeko ari zirela salatzen. Ordu ezkeror urtero egiten diote omenaldia bere inguruko lagun eta familiakoek eta aurten ere hala egiteko asmoa daukate. Omenaldia Abarzuzan izango da igandean. Lehendabizi Abarzuzako kanposantuan egingo da haren omenezko ekitaldia, eta gero herri bazkarian bilduko dira Hernaniko koadrila eta Abarzuzakoa. Aurten igandearrekin egingo diote omenaldia, eta joan nahi duenak aukera izango du, bere koadrilarekin harremanetan jarri ezkeror. Horrez gain, plaka bat jarri diote haren omenez Karmelo Labakako plazan dagoen oroigarrian. Fernando Ros Abarzuzakoa zen baina, 25 urte zituela etorri zen Hernanira eta hemen bizitu zen urteetan. □



Fernando Rosen omenezko oroigarrian.

HITZ BITAN

ETXERAT ELKARTEA

Kontzentrazioa gaur Gudarien Plazan. Etxerat elkarteak kontzentrazioa deitu du gaurko *Guztion Artean Euskal Presoak Euskal Herrira* lemaekin. Kontzentrazioa 20:00etan izango da Gudarien Plazan. Etxerategen dei egin die hernaniar guztiek kontzentrazioa azaltzeko.

IGERIKETA

Gaur da Getaria Zarautz igeriketa proba. Itsasoan igeri egitea gustatzen zaionak aukera ezin hobea du gaur. Getariatik Zarautza da proba, guztira 2.500 metro. Hernanitik ekipoko igerilariak joatekoak dira eta bere kabuz dijonik ere bada. Umeez proba berezia izango dute Getarian bertan, 600 bat metrokoa.

KONTZERTUAK

Mac Jeara's Band hernaniar taldea Jazzaldian.

Mac Jeara's Band taldeak kontzertua emango du gaur Donostiako Udaletxeko areto nagusian, eguerdiko 12:00etan, Donostiako Jazzaldiaren barruan. Zortzi musikaririk osatzen dute Mac Jeara's Band taldea eta hiru hernaniarrak dira: Ander Barrenetxea bateria, Ainara Ortega abeslaria eta Roberto Pacheco saxofoijolea. Datorren igandean ere Jazzaldian kontzertua dute, 19:00etan Kursaal ondoko Frigo eszenatokian eta astelehenean Zarauzko Nazioarteko 4garren mintegian joko dute, 19:00etan hondartzan.

Maietx kantautorea gaur Andragoton.

Maietx Kantautorea kontzertua emango du gaur Hernanin, Andragoto Ateneoa. Kontzertua 19:30etan hasiko da.

FESTA ASTIGARRAGA ETA ARANON

Gaur Santio eguna, goizetik gauerako festa.

Astigarraga eta Aranon ari dira ospatzen Santio festak eta gaur egun haundia dute bietan ere. Aranon Goizuetaren kontrako pelota partiduak dituzte, urtero bi herrien arteko pikea sortzen duen desafioa. Arratsaldean herri kirolak, bertsolariak eta trikitixa. Astigarragan egitarau zabala dute: afizionatu mailako kronoeskalada ezagun eta gogorra, Santio mendin gora. Horrez gain, *Astigar* dantza taldearen erakustaldia, Mariatxiak kalean barrena eta Hortzmuga antzerki taldearen Klaketa ikuskizuna. Gauerdia baino lehen Larraindantza herrikoia dago Foru plazan eta gauerdian diskofesta emango du Joseina Etxeberria Euskadi Gazteko esatariak.

EGITARAUA

GAUR ARANON

10:00 Goiz soinua trikitixarekin.
11:00 Meza Nagusia
12:30 Goizuetaren arteko pelotari partiduak.
18:00 Herri kirolak. Saralegi, Arrospide, eta Mindegia, eta Eneko eta Ruben aizkolari gazteak. Ondorenean iparraldeko jokoak.
19:30 Bertsolariak: Peñagarikano, E. Eizagirre, Silveira eta Lujanbio. Gai jartzaile Xabier Legarreta.
22:30 Epelde eta Larrañaga trikitilariak herriko plazan.

GAUR ASTIGARRAGAN

07:30 Aulki-jokoa eta txokolate jana.
09:30 Txistularien diana.
11:00 Meza Nagusia, Santiago Ermitan.
12:00 Dixie Kalejira
12:00 XII. Kronoeskalada.
13:30 Kronoeskaladaren sari-banaketa.
18:00 Astigar taldearen dantza-erakustaldia, pilotalekuan.
19:00 *Garibaldi Mariatxiaren* kalejira.
19:30 *Hortzmuga Teatro* taldearen *Klaketa* ikuskizuna, Apeztegi Plazan.
23:30 *Larraindantza* herrikoia Foru Plazan.
00:00 *Diskofesta*.

IRAGARKI MERKEAK

Bi neska behar ditugu Hernaniko taberna batean sukalde eta zerbitzari lanak egiteko. 25 urtetik gorakoak eta esperientziarekin. Deitu: **943 55 26 94** (Nekane 10:00-15:00 eta 17:30-23:00)

Hernaniko Pelukeria batean estetika lanak egiteko pertsona bat behar degu. Deitu: **943 55 63 68**

Hernaniko taberna batek pertsona bat behar du lanerako. Kondizio onak. Interesatuak deitu: **660 982 145** edo **678 058 003**.

ZERBITZUAK

☎ TELEFONOAK

►Taxiak: 943 550093
►Udaltzaingoa: 943 333288
►DYA: 943 464622
►Autobusak: 943 556662
►Anbulatorioa: 943 006666
►Jokalaria anonimoak: 943 331103

☎ FARMAZIAK

►Egunez: Etxebeste
Elkano 2
☎ 943 552087
►Gauz: Oa
Usurbil. Poligono 1, 1
☎ 943 376076